



UNIVERSITÄTS-
BIBLIOTHEK
PADERBORN

Jus Canonicum Practice Explicatum, Seu Decisiones Casuum

Ad Singulos Decretalium Gregorii Papæ IX. Titulos, & ad consuetum
Referendi modum accommodatæ. Opus Novum

Complectens alteram Decretalium medietatem, videlicet nonaginta duos
Titulos, à Titulo XX. libri III. de Feudis usque ad finem

Pichler, Vitus

Ingolstadii, 1734

Quæstio II. An exceptio Actionis nondum natæ habeat locum?

[urn:nbn:de:hbz:466:1-62204](https://nbn-resolving.org/urn:nbn:de:hbz:466:1-62204)

pus evacuatio dicit possessionis me-
re naturalis dimissionem, neque ut
inmillio in possessionem in bona

alodialia coram Judice i vel in
feudalia coram Curia Feudali
fiat.

QUÆSTIO II.

*An exceptio Actionis nondum nata ha-
beat locum ?*

Sine ambagibus R. negativè, h. c.
Eleconora non potest Mater-
num repellere ab agendo ad
se manutenendum in bonis donatis
hæc, per exceptionem actionis non-
dum nata. Ratio fluit ex hucusque
disputatis & decisis, ex quibus cla-
ret, Eleconoram ex una parte non
amplius posse cessionem bonorum
suorum revocare, aut de iis aliter
disponere, propter pacta conven-
ta, & donationem inter vivos exe-
cutioni datam, & immiſſione in
possessionem ac Investituris roboratam:
ex altera verò parte patet ex
M. n. 16. Adjuncto sub n. 2. Eleconora
intendere ac niti factam dispositio-
nem, donationem, cessionem
callare, revocare, tollere, & no-
vam Investituram pro se sola, ex-
cluso fratre, jam investito,
querere, bonaque in alium trans-
ferre. Ut igitur hos conatus E-
leconora impediat, sibi que ac de-

scendentibus provideat instituta
actione, quæ utique nascitur
contra nitentem pacta conventa
violare, aut dominium vel posses-
sionem rei turbare molientem, ad
conservandum & tuendum jus
quæsitum per viam Juris, & ad
se manutenendum, justissimam
habet causam; cum satius sit jura
conservare illæsa, quam post vul-
neratam causam remedium qua-
rere. Id quidem fateor, quod
Maternus nunc, & ante diem o-
bitus Eleconora, nequeat agere
executive, usumfructum vel ad-
ministrationem bonorum sibi do-
natorum petere, cum dies non-
dum venerit, & actio ad id nec-
dum completè nata sit; pro-
hiberi tamen non potest, quin pe-
tat à Judice declarari, Elecono-
ram teneri bona à se jam alienata
in suo statu relinquere, & in alium
non transferre, aut revocare

H 3

aim-

amplius non posse: cum Jura velint
 servari & custodiri pacta conventa.
 c. 1. 3. de Pactis, l. 7. §. 7. ff. eod. præser-
 tim quæ speciale nomen habent,
 ut pactum donationis, & quæ cau-
 sam, seu quæ traditione sunt com-
 pleta; quæ omnia reperiuntur in
 nostro casu. per vulgaria; cum in-
 duant naturam contractus. Imò
 donationi simplici non solum Mo-
 res, uti pactis nudis, sed etiam Jura
 tribuunt actionem. l. 10. C. eod. l.
 35. §. ult. C. de donat. Accedit, quòd
 Materno etiam competat reme-
 dium possessorium, tanquam solen-
 niter immisso in possessionem, sci-
 licet *interdictum uti possidetis* ad reti-
 nendam possessionem vel ad manu-

tentiam. §. 4. Insti. de interd. l. 1. §.
 1. 4. seqq. ff. uti possidetis. Klock.
 10. 3. cons. 153. n. 11. & quidem in
 specie contra donantem, qui sibi
 reservavit usumfructum. Menoch.
 de retin. possess. remed. 3. n. 23. Ex qui-
 bus consecrarium est, Maternum
 rectè intentasse actionem ad servan-
 dum pacta conventa, & *interdictum
 uti possidetis* ad se manutenendum in
 possessione, consequenter exceptio-
 nem actionis nondum nata
 frustraneam
 esse.

